

Na osnovu člana 5. i 29. Zakona o Vladi Tuzlanskog kantona («Službene novine Tuzlanskog kantona», broj:17/00, 1/05 i 11/06), člana 29. Zakona o izvršenju Budžeta Tuzlanskog kantona za 2009. godinu («Službene novine TK», broj:4/09) i Odluke o utvrđivanju kriterija i postupka za raspodjelu sredstava sa budžetske pozicije - 24010004 „Nauka“ za 2009. godinu broj: 02/1-14-9635/09 od 19.6.2009. godine, Ministarstvo obrazovanja, nauke, kulture i sporta Tuzlanskog kantona, raspisuje:

J A V N I P O Z I V za podnošenje zahtjeva za sufinansiranje potreba u oblasti “Nauke” za 2009. godinu

I

Raspisuje se javni poziv za podnošenje zahtjeva za sufinansiranje troškova u oblasti nauke u 2009. godini u skladu sa Odlukom o utvrđivanju kriterija i postupka za raspodjelu sredstava sa budžetske pozicije - 24010004 – “Nauka” za 2009. godinu.

II

Raspodjela sredstava za sufinansiranje potreba u oblasti nauke vršit će se u skladu sa budžetom Tuzlanskog kantona, Zakonom o izvršenju budžeta za 2009. godinu i Odlukom o utvrđivanju kriterija i postupka za raspodjelu sredstava sa budžetske pozicije - 24010004 – “Nauka” za 2009. godinu.

Prilikom raspodjele sredstava u oblasti "Nauke" preferirat će se:

- Potrebe i interesi Tuzlanskog kantona i Federacije Bosne i Hercegovine.
- Potrebe i interesi Univerziteta i drugih naučno-istraživačkih ustanova,
- Razvoj naučno-istraživačke djelatnosti.

III

Iz dijela planiranih budžetskih sredstava sa budžetske pozicije - 24010004 – “Nauka” sufinansirat će se:

1. Organiziranje naučnih skupova, kongresa, simpozija, konferencija, seminara i sastanaka,
2. Dio troškova izrade i odbrane doktorskih disertacija,
3. Dio troškova izrade i odbrane magistarskog rada,
4. Dio troškova izrade naučno – istraživačkih i istraživačko – razvojnih projekata,
5. Dio troškova prezentacije stručnih i naučnih radova studenata.

Za sufinansiranje dijela troškova organiziranja naučnih skupova, kongresa, simpozijuma, konferencija, seminara i sastanaka mogu se odobriti sredstva u najvišem iznosu do3.000 KM.

Za sufinansiranje dijela troškova prezentacije stručnih i naučnih radova studenata na naučnim skupovima, kongresima i konferencijama mogu se odobriti sredstva u najvišem iznosu do 800 KM.

Za sufinansiranje dijela troškova izrade i odbrane doktorske disertacije mogu se odobriti sredstva u najvišem iznosu do 2.500 KM.

Za sufinansiranje dijela troškova izrade i odbrane magistarskog rada mogu se odobriti sredstva u najvišem iznosu do1.500 KM.

Za sufinansiranje dijela troškova naučno-istraživačkih i istraživačko-razvojnih projekata, mogu se odobriti sredstva u najvišem iznosu do2.500 KM.

IV

Za sufinansiranje dijela troškova organiziranja naučnih skupova, kongresa, simpozijuma, konferencija i seminara organizatori su dužni priložiti:

1. Naziv pravnog lica – organizatora, adresa, telefon,
2. Naziv, obrazloženje, kratak sadržaj i spisak učesnika naučnog skupa, kongresa, simpozijuma, konferencije, seminara,
3. Finansijski plan sa potpunom specifikacijom troškova za organizaciju naučnog skupa, kongresa, simpozijuma, konferencije, seminara,
4. Dokaz o osiguranim sredstvima iz drugih izvora,
5. Identifikacioni broj,
6. Spesimen potpisa sa brojem ž/r, odnosno naziv banke i broj ž/r pravnog lica otvorenog kod banke i filijala,
7. Navesti iznos sredstava koji se traži od Ministarstva obrazovanja, nauke, kulture i sporta (u daljem tekstu: Ministarstvo).

Za sufinansiranje dijela troškova izrade i odbrane doktorske disertacije kandidati su dužni priložiti:

1. Odluku Senata Univerziteta o prihvatanju izvještaja komisije o podobnosti kandidata i teme doktorske disertacije, te izvještaj komisije,
2. Potvrda fakulteta o troškovima prijave i odbrane doktorske disertacije,
3. Izjava kandidata potpisana i ovjerena od strane nadležnog organa, da kandidat ličnim sredstvima finansira prijavu i odbranu doktorske disertacije,
4. Spisak i kopije publikovanih radova,
5. Dokaz o osiguranim sredstvima iz drugih izvora,
6. Identifikacioni broj fakulteta/univerziteta (izuzev JU Univerziteta u Tuzli),
7. Spesimen potpisa sa brojem ž/r, odnosno naziv banke i broj ž/r pravnog lica kod banke i filijala (za pravna lica fakultet/univerzitet),
8. Kopija lične karte izdate od CIPS-a i kopiju kartice tekućeg ili žiro računa kandidata.

Za sufinansiranje dijela troškova izrade i odbrane magistarskog rada kandidati su dužni priložiti:

1. Odluku nastavno – naučnog vijeća o podobnosti kandidata i teme magistarske radnje,
2. Izjava kandidata potpisana i ovjerena od strane nadležnog organa, da kandidat ličnim sredstvima finansira odbranu magistarskog rada,
3. Potvrda fakulteta o troškovima odbrane magistarskog rada,
4. Potvrda da su položeni svi ispiti i uvjerenje o položenim ispitima sa prosjekom ocjena,
5. Dokaz o osiguranim sredstvima iz drugih izvora,
6. Identifikacioni broj fakulteta/univerziteta (izuzev JU Univerziteta u Tuzli),
7. Spesimen potpisa sa brojem ž/r, odnosno naziv banke i broj ž/r fakulteta/univerziteta kod banke i filijala,
8. Kopija lične karte izdate od CIPS-a i kopiju kartice tekućeg ili žiro računa kandidata.

Za sufinansiranje dijela troškova prezentacije stručnih i naučnih radova studenata na naučnim skupovima, kongresima i konferencijama kandidati su dužni priložiti:

1. Uvjerenje da je redovan student i da je prvi put upisao odgovarajuću godinu dodiplomskog studija,
2. Cijena koštanja povratne karte i iznos kotizacije,
3. Preporuke dva profesora,

4. Dokaz o osiguranim sredstvima iz drugih izvora,
5. Ukoliko nema osiguranih sredstava iz drugih izvora, kandidat je obavezan pod punom materijalnom i krivičnom odgovornošću o tome dostaviti pisanu izjavu,
6. Pismo poziva za učešće i potvrdu da je rad prihvaćen,
7. Kopija lične karte izdate od CIPS-a i kopiju kartice tekućeg ili žiro računa kandidata.

Za sufinansiranje dijela troškova naučno – istraživačkih i istraživačko – razvojnih projekata kandidati su dužni priložiti:

1. Naziv, obrazloženje i kratak sadržaj projekta, biografski i bibliografski podaci o voditelju i učesnicima projekta,
2. Finansijski plan sa potpunom specifikacijom troškova za izradu naučno – istraživačkih i istraživačko – razvojnih projekata,
3. Dokaz za voditelja projekta da je naučni radnik sa naučnim stepenom doktora nauka,
4. Dokaz o osiguranim sredstvima iz drugih izvora i da je projekat usvojen,
5. Identifikacijski broj,
6. Spesimen potpisa sa brojem ž/r, odnosno naziv banke i broj ž/r pravnog lica kod banke i filijala (za pravna lica fakultet/univerzitet).

Naučno – istraživačke projekte mogu prijaviti naučno – istraživačka pravna lica: naučni instituti, univerziteti, fakulteti i druga pravna lica registrovana za obavljanje naučno – istraživačkog rada.

Prioritet za dodjelu sredstava u skladu sa tačkom III stav 1. podtačke 2. i 3. Javnog poziva, imaju osobe iz kategorija:

- Kandidati koji se sami finansiraju,
- Djeca šehida i poginulih boraca-branitelja,
- Ratnih vojnih invalida,
- Dobitnika najvećih ratnih priznanja,
- Demobilisanih boraca-branitelja,
- Studenti koji su pokazali nadprosječne rezultate tokom studija,
- Studenti demobilisani borci – branitelji,
- Lica u stanju socijalne potrebe.

Osobe koje pripadaju navedenim kategorijama dužne su dostaviti odgovarajuću dokumentaciju uz aplikaciju za sufinansiranje.

Uplate po navedenim kategorijama se vrše na račun pravnih i fizičkih lica.

Izuzetno, po osnovu naknadne refundacije ličnih izdataka kandidata za odbranu doktorske disertacije i magistarskog rada, uplata poreza i doprinosa pada na teret odobrenih sredstava kandidata.

Kandidatima koji su po istom osnovu u prethodnim godinama dobili sredstva iz Budžeta Tuzlanskog kantona planiranih za nauku, ne mogu se ponovo odobriti sredstva.

V

Pored kriterija i uslova iz tačke III i IV Javnog poziva, aplikanti su obavezni ispuniti jedan od prijavnih obrazaca u zavisnosti od toga za koje namjene se traži dodjela finansijskih sredstava i to:

- PRIJAVNI OBRAZAC za sufinansiranje dijela troškova organiziranja naučnih skupova, kongresa, simpozijuma, konferencija i seminara,
- PRIJAVNI OBRAZAC za sufinansiranje troškova izrade i odbrane doktorske disertacije,
- PRIJAVNI OBRAZAC za sufinansiranje troškova izrade i odbrane magistarskog rada,
- PRIJAVNI OBRAZAC za sufinansiranje dijela troškova prezentacije stručnih radova studenata na naučnim skupovima, kongresima i konferencijama,

Prijavni obrazac aplikanti mogu preuzeti u prostorijama pisarnice Vlade Tuzlanskog kantona ili na WEB stranici: www.monkstk.ba

VI

Javni poziv ostaje otvoren 15 dana od dana objavljivanja na web stranici i oglasnoj ploči Ministarstva i u "Tuzlanskom listu". Prijave na javni poziv sa potrebnom dokumentacijom slati putem pošte na adresu Ministarstvo obrazovanja, nauke, kulture i sporta Tuzlanskog kantona, Slatina 2, Tuzla ili putem pisarnice Vlade kantona na istoj adresi.

Dostavljena dokumentacija mora biti original ili ovjerena kopija.

NEPOTPUNE I NEBLAGOVREMENE PRIJAVE NEĆE SE RAZMATRATI.

**MINISTARSTVO OBRAZOVANJA,
NAUKE, KULTURE I SPORTA TK**